

ديوان الحاوي

(أشعار بالعامية المصرية)

للشاعر: درويش العبيدي



حقوق الطبع والنشر محفوظة
لدار الأديب للطبع والنشر والتوزيع

لا يجوز طبع أو نشر هذا الكتاب دون الحصول على إذن خطي من الناشر لاستخدام أي مادة من مواد هذا الكتاب أو نسخها أو إعادة نشرها أو نقلها كلياً أو جزئياً بأي شكل وأي وسيلة سوف يقع تحت طائلة المسائلة القانونية.

الحاوي..!!

دار الأديب للطبع والنشر والتوزيع

الحاوي .. (الطبعة الأولى)

درويش العبيدات

(2021-10178) بدار الكتب المصرية

من تصميم واخراج .. دار الأديب .



daraladeeb@Gmail.com

Tel: 002- 01014449164

اسم الدار

اسم الديوان

اسم الشاعر

رقم الإيداع

الإخراج الفني .. والغلاف



لحاي!!



أهدي هذا الديوان ..

الى: أهلي و أبنائي وزوجتي

والى كل محبي شعر العامية المصرية.



الحاوي..!!

أول كلامي ..!!

أنا أول كلامي ياناس

أقول..!؟

دا الصلاة على النبي تصحي

عقول..

دا كلام النبي مسك

وعنبر..

والمولى قال عنه في كتابه

وخبير..

صلوا يا احباب النبي

هيا..!؟

على الحبيب خير

البريه..

دا المولى صلى عليه

الحاوي..!!

في كتابه..
والملائكة وكل أصحابه
صلوا عليه
دا.. اللي حن ليه جزع النخل
لاسمه ولصدقه
والدم اللي في وريده
ويكون في الجنه
رفيقه..
يا سامعين اسم النبي م تصلوا
عليه كثير صلوا
واعيدوا..
ع اللي ردت عليه الوديان
والأحجار والأشجار
السلام..

الحاوي...!!

رسول الشفاعة والرحمة

المهداه ورسول السلام..

محمد بن عبد الله

اللي حمته الملائكة وهو

يصلى لله..

صلوا على من بكى وشكى

الجمل ليه..

النبي صلوا عليه..



لحاي!!

حبيب الله ..

انت حبيب حبيب الله
انت انت يا رسول الله
بالجسد والروحي يا طه
الله اسرى بك يا بن عبد الله
من عالم الأرض المليئة بالا حقاد
الى عالم السماء الاطهار
يا نور الارض وضيائها
فاسرائك معجزة الدنيا بحالها
فالله منحك يا حبيبي بالاسراء
على مالقيته من احوال وتعذيب
الله الله الله على كرم الله
فقد اكرمك الله يا بن عبد الله
بالصلوات الخمس في الاسراء

الحاوي..!!

وعرفك في الرحله عن أحوال الناس

بصحبة الأمين جبريل..

و بقدرة الله التي ليست فيها مستحيل

أنت .. أنت حبيب الله

أنت .. أنت يا رسول الله



الحاوي!!

يا.. أرض يا طيبه..

يا.. أرض يا طيبه
يا حته مني يا حبيب
يا عرضي ويا ..دمي..
مستحيل طبعاً العدو يبعدك
يا قلبي أرض عني..
لو خيروني يا أرض بينك وبين
الألم والعذاب..
اختار يا أرض اختار الألم واختار
العذاب..
يا أرض ياسمرة وكاسيكي
الخضار..
مستحيل أسيبك يا أرض
العمار..

الحاوي...!!



الدواء...!!

أمانه ياطبيب ما تكتب

لي دواء مر ثاني

أصلي الدواء ياطبيب

زود..

علي وجعي وما دواني

أمانه..

ياطبيب شوفلي دواء يكون

من المرار خالي

دنيا وكترت فيها ياطبيب

البلايا..

ولا حد منها خالي

الحاوي!!

كشف.. الطبيب وقال روح يا ولد

جسمك..

من الوجع خالي

سالت الطبيب وقلت ليه

أمال..

ايه اللي صاب جسمي

زي..

اللي من الزاد خالي

قال الطبيب تغبك يا ولد

زي تعبي..

رحت اشكي للطبيب وجعي

لقيت من الوجع

بيشكي..

الحاوي...!!

عليكي يا دنيا ولا حد فيكي

من الوجع خالي...!

حتى الطبيب يا دنيا صبح

من الوجع ما خالي

وعجبي...!!



الحاوي!!

شدي حيلك..!؟

شدي حيلك شدي

وعلى..

ولادك اوعي تشدي

خلي حبل..

الوداد بينك وبينهم

خليه..

دايما موصول

ومدي..

لهم اليدين يلا سمره

مدي..

واوعي عليهم في حاجات

كتيره تشدي..

الحاوي..!!

فبلاش عليهم في يوم تشدي

ولا تعاندي

يا.. إللي شايلك أنا في قلبي

ولك معزة كمان جوه

قلبي..

خدي من قلبي ياسمره

نصيحة

اوعي تسامحي في حق

أرضك

ولا في حق اللي مات

شهيد..

في يوم على أرضك

ده اللي في يوم حماكي

الحاوي..!!

وروى بدمه حته من ترابك وسان

كرامتك وعرضك..

ده اللي عايز دايماً يفرحك

ومش عايز خرابك في

أرضك..!!

ولا عايز ابدأ يجرحك

يا للي ما شفت حد

زيك..!!

لا في جمالك ولا في

ضيك..!!

خلي بالك من ولادك وخلي

بالك من خيك

شدي حيلك يلا شدي

وعلى.. ولادك اوعي تشدي..!!

الحاوي...!!

شيلتي الحمل...!!

الله يرحمك يا مه..

يا اللي..

شيلتي كثير معايا

في الحمل..

وضمتيني بحنانك وزيك

ما شافت عيون

زرعتي من صغري في قلبي

الحب والطيبه..

واهم لسه ماشين معايا في

الطريق يا.. أعز.. أم

وأعز حبيبته..

وأنا صغير ياما على رجلك

خدتيني..

وبيدك الحنيه ياما

لاعبتيني..

الحاوي..!!

لحد ما الضحكة عليت

مني..

وأنا يدوب بأخطي العتة

يا بيت الحنان

ومدرسته..

والله يا امي حنانك لساه

عايش في قلبي من يوم ما عرفته

ودرسته..

ولسه فاكّر العيش المسخن

في الفرن البلدي..

والرايب بالقشطة وطبطبتك

على كتفي..

ومنسيتش قولت كل ياولدي

ولسه..!!

الحاوي...!!

منسيتش كباية اللبن وعليها

كم ملعقه سمن بلدي..

كانت أيامك يا أمي

ايام حلوه..

وجميلة..

كلها خير .. وخيرات

الله يرحمك يامه



لداوي..!!

أمانه يا.. كروان ..

أمانة يا.. كروان ياللي صوتك عالي

في كل مكان..

تغني تغني أحلى الألحان

يا كروان..!؟

صوتك شجاني وخلاني اقول فيك

كلام..

ياللي صوتك صحاني من احلى

منام..

أمانة يا كروان

وحياة صوتك الجميل

اللي..

يداوي القلب العليل تغني

تغني يا كروان..

الحاوي...!!

وفرّح كل حبيب حيران
أمانه ياكروان
سبح واملأ الدنيا كمان تسابيح
قول..
ده صوتك والنبي يا كروان ده
صوت مليح
يا كروان..
اوعاك تغيب عني يا مليح
وحياة اللي..
خلق الكون يا كروان صوتك
صريح..
أمانه يا كروان ما تغيب
يا مالي..
الدنيا تفارح...!!

لحايي...!!

ما.. تخافيش...!!

ما تخافيش يابهيه

لسه...!!

ولادك في ظهرك

سانده..

وانت بيهم محميه

مهما طال ليل حزنك ..مسير...!!

الفرح يدق باب دارك

طول عمرك..

وانت بتشيلي الحمول

ياحمالة الأسيه

يا شايلة حمل ناس والناس

معاك في الحمل شايله

والله..

انت جميله يابهيه .. جميله وهايله...!!

الحاوي...!!

الفقر عارف طريقه...!!

وناسه..

لو لف الفقري العالم

هيلاقي..

الفقر محاصره حتى

في مداسه...!!



الحاوي..!!

ريحانة العرب..!!

ريحانة العرب.. أنت..

يامصر..

وكوكب دري انت

للسلام..

قد شرفك الرحمن في

القرآن..

ياكلمه طيبه يا مدرسه

النبلاء..

يا بسمه رائقه عند اللقاء

فانت..

يامصر ظل وحببيه لكل

زائر..

الحاوي...!!

وانت ريحانة القلب وتاج

يسطع في العلا..

وانت يا مصر تاج العلماء ومنارة

العلم..

وانت الهوى وزاد الذي قد

هوى..

وانت شمس اشرقت بالحب

وقمر..

أضاء بنوره طريق من لا طريق

له..

وأم حنونه لكل من حرم من

الحنان..

ونجوم في العلا تلاً

وبحار..

للعرب هادئة الأمواج...!!

الحاوي..!!

أحبك يا.. أبو(تثت)..!!

أحبك يا.. أبو تثت وأعشق كل

شيء فيك..

أحب الأدب وكل الشباب اللي

منور بيك..

أحب فيك الازهر وكل رجاله

الكل فيه..

حافظ وراعي في مجاله

أحب..؟؟؟

فيك عيدان القصب ورقصها

في الغيطان..

وأحب فيك العصافير وزقزقتها

فوق الشجر والنخيل

والحيطان..

الحاوي...!!

أحب فيك المزارع والصانع

واللي..

على اكتافه حمل وعلى السلم

طالع..

أحب فيك الراعي والساعي

واللي..

في الثقافة بارع

أحب فيك اللي بيدافع عن

الحق..

واقف زي الجبل

أحب فيك كل كاتب بيكتب

كلمة حق بالقلم..

وأحبك يا أبو (تشت)...!!

لحاي!!

سرديّة!!

في اليقظة والمنام
أحلام في اليقظة تراودني
وأسود!!
وثعابين سوداء في المنام
تطاردني..
وبحر واسع عالي الامواج
خلفي..
وجبل كثيف الصخور عالي
الارتفاع أمامي..
فها أنا بين البحر وبين الأسود
والثعابين..
فكيف النجاة من تلك الأسود
والثعابين التي
تطاردني..

الحاوي...!!

فأنا لست كالسفن والمراكب التي

تشق البحر..

وانا لست كالطائرة التي تطير

في الهواء..

فكيف النجاة من كل

ما يطاردني..

فلم يعد أمامي غير الجبل

كي...!!

أنجو من الثعابين والاسود

التي تطاردني..

فاخذت أتسلق الجبل والخوف

والعرق..

تملك كل جسدي..

فتسلقت الجبل فوجدت امرأة

تلبس.. ثوبا كالليل الذي غابت عنه

الحاوي..!!

الأنوار..

وعلى خدها الايسر خطين

كعلامة الزائد..

وفي يدها مطرقة ثقيلة تريد قتلي..!!

فكيف النجاة منها وكيف النجاة

من انخفاض الجبل

فامسكت بحجر وضربت وبه

وجهها..

فسقطت على الأرض

فاسرعت في هذا الجبل خوفاً

أن تقتلني..

فاذا بها تجري خلفي

وكان....؟؟؟



الحاوي...!!

آه .. على بهيه...!!

أه على بهيه.. أه عليها...!!

سحرتني

آه بجمال عينيها

ومن..

يومها يا با وياحبايبي

وأنا تايه..!؟

وما فيش حد غيرها هيداوي

قلبي وعقلي اللي

تايه...!!

ضحكت يا با لي ضحكه

بعيونها..

وشفايفها لما ظهرت يابا

ويا حبايبي..

الحاوي..!!

على الخدين اللون التفاحي..

آه.. يا با وآه .. يا حبايبي على

اللون التفاحي..

والنبي يابا ويا حبايبي

ما هيروق..

قلبي وعقلي غير لما

تبقي حلالي..

قولولها يابهيه .. والله

بيحبك ودايب

قولولها..

عايز يفرح يابهيه ويفرح

الحبايب..

وقولولها والنبي والنبي

يابيه..

هيجيب لك صالون وسرير

الحاوي...!!

ودلاب دمياطي...!!
وشبكة حلوة يا بهية آخر
موضه..

اشي كردان واشي خلخال
وحلق..

آخر شياكة
قولولها ارحميه يا بهيه
دا الرحمة حلوه يا سكر

زياده...!!
قولولها محتجالك تداوي

قلبه...!!
وعقله اللي تايه
آه على بهية.. آه عليها
سحرتني.. بجمال عينيها
آه على بهية آآآآآ آه عليها...!!

لحاي!!

يا .. ضحكة الحبايب!!!

يا .. ضحكة الحبايب أمانه

عني ما تغيبني..

خليكي دايمًا على الوشوش

والشفاف مرسومه

اصل انت يا ضحكة بتردي فيا

الروح..

يا ضحكه لما مش بشوفك

مرسومه..

بتمليني الم وحيرة وعذاب

وجروح..

خليكي يا ضحكة زي القمر

الحاوي..!!

زي.. الوردة مفتحه وجميله

ومتكونيش زي الضباب..

اللي.. بيحجب ضوء الشمس

القمر.. ومتكونيش زي العواصف

اللي.. بتقلع الزرع الجميل

كوني.. يا ضحكة زي النجوم اللي

بتنور الليل..!!

كوني.. زي الدواء اللي بيداوي

يا ضحكة الحبايب امانة

عني ما تغيبني

خليكي..

دايما على الوشوش والشفاف

مرسومه يا ضحكة الحبايب..!!

الحاوي!!

بكاء السماء!!

بكت السماء ذات يوم..
فاغرقت ببكائها شوارعنا
وكان بكائها أمواج تسير
في سرعة لكي تصارعنا
فما عاد اللقاء في هذا..
اليوم بالحب والمرح يجمعنا
سوى الخوف والرعب من
بكائها الشديد الذي أفرعنا
فلم تسع و تجني الأيادي
والأرجل في هذا اليوم شيئاً
سوى الألم والوجع والوحل
في الطين الذي أغضبنا
يا شمس اله الكون اشرقي
وجفف الدمع الذي أوجعنا..

الحاوي...!!



أخبرني ..؟؟

أخبرني يا من شدتني

اليك رياح..

الهوى...!!

كيف حال الفؤاد الذي

هوى..

هل ما زالت جزور الوصل

موصوله..

اما اقتلعتها العواصف من

جزورها..

وما عاد الفؤاد يهوى

الهوى...!!



الحاوي..!!

نصيحه..!؟

اوعى يجيك الخوف
يا بني..
وتخليه يعيش ويسكن
في قلبك..
لو جالك الخوف مره
وحاول..
معاك يقرب من قلبك
قاوم..
وياه وبشده وامسك فيه
مسكة عفيه..
بايديك ومرمغه في التراب
وقرقش..
فيه باسناتك وعليه برجليك عدي

الحاوي...!!

اوعى تسيب يا بني الخوف هو اللي

يمرمغك في التراب و عليك

يعدي..

واحد وما فيش غيره

هو اللي تخاف يا بني

منه..

اللي خلقتك في الدنيا ضعيف

وخلقتي..



الحاوي!!

اوعى تثور!!

احنا صعايده ولينا حق في

الوطن..

اوعاك في يوم تحط العقده

في المنشار..

اعرف اننا صعايده من الجيزه

لاسوان صعايده

أحرار..

اعرف يا للى لسانك بينقط

شرار اعرف..

انت بتتكلم على

مين..؟؟؟

احنا خط السد وخط السكر

وخط النور..

الحاوي...!!

اوعى تفكر في يوم على الصعيد
تنثور..

دول الوحوش دول الاسود ودول
النسور..

احنا البدو والعرب واحنا الاشراف
واحنا الهواره واحنا
السماعنه...!!

وقت الجد تلقانا كلمة واحده
ومتوحده..

وموزونه وليها مليون معنى
من الجيزه لأسوان..

لجنوبها وشمالها احنا اللي بفلوسنا
شايلين..

على اكتافنا أحمالها
وليننا أصول ولينا جزور

الحاوي!!

واحنا اللي بنينا كتير مدن وعواصم

عل اکتافنا ولساه

فيها بنبني..

واحنا اللي بطلنا اسمه

عبد الناصر..

كان للعدالة قائدنا واللي عمره

ماطمع..

ولا بص على لقمة غيره

عشان..

للعدالة راسم

صعيدي من ظهر صعيدي عمره

ماحلم..

يبقى ليه مزارع ولا قصور

كان كل حلمه يبني الوطن !!..

الحاوي..!!

قاعد مع القمر..!!

قل للشوارع.. قل للبيوت..!؟

قل للحواري قل للطير

اللي..

ساكن ليله على الشجر

قل للصانع اللي بينقش

على الحجر وقل لكل

صانع..

لسه الضحكة منوره

وعايش فينا

رغم التعب والشقى طول

النهار..

لكن بيروح وأنا قاعد قعده حلوه

مع القمر..

الحاوي..!!

بنتسامر ونحكي حكاوي ترد..

الروح جوانا..

آه.. على السهر وآه على جمال

القمر.. آه لما يكون رايق

وقل للمعلم.. والأسطى اللي

سايق الأسطى اللي

سايق..

واللي شقيان في الغيطان

وفي المزارع وقل

للصيادين اللي على

المراكب..

واللي على السقالة راكب

قل للفارس وقل

للخيال..

الحاوي...!!

اللي بيجري بخيله ويتسابق

لاجل ما يوصل للأحلام

لسه الضحكة فينا منوره

وبتحلى..

وبتزد في الحلاوة والجمال وانا قاعد

قعدة..

حلوة مع القمر بنتسامر ونحكي حكاوي

ترد جوانا الروح..

آه.. على السهر واه على جمال القمر

لما يكون رايق..



الحاوي...!!

صوت المدافع ...!!

صوت المدافع يا ناس بيتكلم
والطفل البرئ من رصاص الصهاينة
بينزف دمه وبيتألم
من زمان..
الصهاينة من زمان خاينين
ياما خانوا العهود مع رسولنا
الأمين...!!
الصهاينة ما فيش في قلوبهم
رحمه ولا ذرة حنين
حوشوا ياعرب عنه المدايح
الطفل البرئ
في دمه سابح
الابن .. ده .. ابنكم

الحاوي...!!

والدم ده دمكم
مين .. يا ناس .. مين..؟؟
يمسح دمع الحزين..؟؟
بان عليك يا لبنان الحزن
بان...!!
والقلوب بقيت عليك
مليانه بالاحزان
آه .. يا لبنان ابنك البرئ
بيصرخ..
بأعلى صوته
آه .. وسط المدافع مستتي
موته..
تسكت السكوت يا برئ
مش هيفيدك..
ولاحد يا برئ مد ايده

الحاوي..!!

يأخذ بايدك..

آه ياطير أباييل غبت

ليه..؟؟

وغابت حجا رتك عن الصهاينة

ليه..؟؟

اصرخ يا برئ وسمع كل

الناس..

يمكن يصحى الضمير الضمير

اللي مات عند ناس..

آه يازهره .. يا ورده .. رقيقه

قتلوك..

يا برئ الصهاينه

وعاوزي..!!!

الحاوي...!!

مراكب الهم...!!

يا .. مراكب الهم
ليه..؟؟
على نشطت
وجايه قوام سايقه
على شطي
يا .. مراكب الهم خدي
همومك..
وخدي معاك همي المدفون
بين..
اكتافي من سنين
وحركي..
قوام يلا قلو عك
وابعدي بعيد يلا قوام
عن شطي..

لحاي..!!

سامحيني..!!

سامحيني كان نفسي اكمل

معاك الطريق

لكن..!؟

مش بيدي انه روي تروح

للي خلقها..

وانتهي في نص الطريق

بس اكيد حد غيري ماشي

وهيكمل الطريق

سامحيني..

كان نفسي افرح معاك

يوم ما يكمل المشوار

واعلق..

الأنوار يوم فرحك

الحاوي...!!

الكبير..

عارف انك مش زعلانه مني...!!

عشان انت عارفة اني

معاك..

على نفس الطريق

سامحيني..

يا للي مشى على ارضك

موسى .. وعيسى

وأبو الأنبياء

سامحيني ياللي سماك

ربنا في قرآنه

كان نفسى أكمل معاك الطريق

لكن...!!

مش بيدي انه روي تروح

للي خلقها..

وانتهى في نص الطريق ..سامحيني..!؟

لحاي..!!

ما .. تندميش..!!

ما تندميش لو عاش قلبك

في جراح..

ما تندميش على الحب

لو راح..

ما تندميش

انت إللي طلبتي البعاد

بس بكره عليه

ما تندميش..

انت مشيتي في طريق

كله شوك..

وعذاب وألم بس لما تمشي

وتكملي عليه

ما تندميش..

الحاوي...!!

كانت غصون الحب عاليه

وزاهيه...!!

جيتي انت بعنادك وقطعتي

الغصون..

بس على قطعها يا ريت

ما تندميش...!!

ما تندميش لو عاش قلبك

في جراح..

ما تندميش على الحب

لو راح..

ما تندميش .. ما تندميش...!!



لحاي..!!

المرآة..!!

أيتها المرأة الصماء

هل..؟؟

بك سحر كلما نظرت

إليك..!!

نزل الدمع مسرعا على

الخدین..

كانني في حالة من البكاء

هكذا..!؟

خرجت من تحت اللسان

قطرات..

صغيرة كأنها رشاش يرش

الماء..

أم هذه نظرة حسد اخترقت

جسدي..

الحاوي...!!

عن طريق الزملاء

ان قاطعت مجالسهم

اخاف..

ان يصيبني اعياء

وان..

كسرتك أيتها المرأة اخاف

أن..؟!

يغضب علي الذي يهواه

الفؤاد..



الحاوي...!!

الحق بان.. يا.. سيد ...!!

الحق بان يا سيد الحق

بان...!!

وعرفنا خلاص الظالم

واللي خان..

والضحكة رجعت يا سيد

والعين..

اللي سهرت من الالم خلاص

يا سيد هتنام..

غني يا عسافير يلا.. يلا

يا عسافير غني..

على الشجر والزرع الاخضر

غني..

وقولي يا عسافير بغناكي يلا

الحاوي..!!

يلا .. يا سيد يلا .. يلا

على غيظك..

ازرع واقلع خلي الخير يملا

بيتك..

او عاك ياسيد الضحكة تداريها

ارقص..

غني لارضك من حقك تفرح

بيها..

غني يا عصافير غني .. يلا

لسيد وهني

غني يا عصافير غني



لحاي..!!

سألتني ..؟؟

سألتني .. من أنا..؟؟

فأجبته

انا الذي قلبه من العذاب

انكوى..

ودوبني عشق الهوا

وأنا..!؟

الذي شدتني اليك

رياح..

العينين حتى قربتني

اليك..

وكانني قريب منك

مثل..

قرب بياض العين

لسوادها..

الحاوي...!!

سألتني ٠٠٠ سألتني..؟؟

عن حالي عن حالي

فاجبتها..

ان حالي مثل حال جمال

عينك..

ومثل كل شيء جميل

حولك !!!



الحاوي...!!

حبيت السهر...!!

طب أقول لك أيه..؟؟
أقول لك أيه..؟
اقول لك إني حببتك وحببت
السهر .. آه السهر وياك
اقول لك..
حببت نسمتك وبسمتك
وضحكك..
وحببت فيك حاجات كتيره
كانت..
آه .. كانت وياك
طب اقول لك كمان أقول لك
إني..
حببت فيك طيبة قلبك ورقه

الحاوي...!!

مشاعرك..
وحببت حببت نظرة آه..
نظرة
عينيك وضحكتها
وجمال رموشها وحببت
فيك..
لمسة من ايديك
وحببت..
فيك الدلال والجمال
طب أقول لك أيه طب
أقول لك أيه..؟؟



الحاوي..!!

(كورال اطفال) .. يادي الفرح ..

هز قرينك يا عصفور

طلع..

القمح وطلع الفول

يادي..

الفرح ويادي النور

على.. زقزقتك يا عصفور

على.. السنابل الخضرة

وعلى.. غصون الشجرة

رقصتك..

حلوة يا عصفور

يادي..

الفرح ويادي النور

على.. زقزقتك يا عصفور

الحاوي...!!

عبي بطنك عبيها
واشرب ميه واديها
ولما ترجع لمكانك
غني وفرح احبابك
في كل مكان بتروح فيه
رزقك موجود يا عصفور
فيه..

هز قرينك يا عصفور
طلع..

القمح وطلع الفول
ويادي..
الفرح ويادي النور
على.. زقزقتك يا عصفور
يادي الفرح يا دي النور..

الحاوي..!!

لؤلؤة الجنوب..!!

يا لؤلؤة الجنوب ..
يا واحة الأدباء .. والشعراء
يا بلد المحبوب وعشق
الدرأويش..
مدد ياسيدي عبد الرحيم
يا قناوي..
ومدد يا أصحاب الدراويش



يا محلى الحلو فيك ياسمره
اللي.. متحزم وعلى نسيم الهواء
راح راقص..
كل حاجة فيه حلوة ولسانه بينقط عسل
والحب منه بيحلي الناقص..

الحاوي...!!

بانت النيه ...!!

بانت خلاص يا بلد

النيه ..

وعرفت الكره ليه زايد

عليه ..؟؟

هو عشان يعنى وقفت كم

مره ..

مع بيت الدربي

يبقى الكره في قلوبكم غيه ..

هو أنا صحيح مكرهتكوش

ليه ..؟؟

عشان المحرزي وبيت عبد العال

وغيره .. هو يعني حلو ومسكر لكم

ومر علي بانت خلاص يابلد النيه

وعرفت الكره ليه زايد .. عليه ..!؟

الحاوي..!!

نيتكم نيه سوده والعالم

بها الله

وعكرتم بنيتكم السوده

الميه الصافيه

طالق لحيته ومتشدد وشادد

في حزامك علي..

متعدد الأوصاف والألوان في

الدنيا الفانيه..!!

ما.. أنا زيك مسلم ومؤمن باللي

خلقتنا في الدنيا ضعاف

ومؤمن برسولنا محمد

كامل الأوصاف..

صفوا النيه بقى وعمروها بالحب

والاخلاص لكل الناس

بانت خلاص يا بلد النيه..

الحاوي..!!

وعرفت ليه الكره زايد عليه ..؟؟

شايفكم في الرايحه

والجايه ..

وفي كل طلعه باطلعها شايفها

في عينيكم ..

و في بلدنا وكل شوارعها

شفت ..

الكره مالي قلوبكم ومالي

عينيكم ..

وكأني عفريت عمال انتنطط

حواليكم ..

وعرفت ليه الكره زايد عليه ..؟؟



الحاوي..!!

أيوه يا.. أرض ..!!

أيوه يا أرض

أيوه كده..

كيدي يا أرض كيدي

العدا..

يلا يافاسي شقي الأرض

وهندسي..

يلا ياميه ارويهامعاه

ارقصي..

يا..ارضي ياللي خيرك علي

افديكي..

يا أرضي أفديكي بعنيه..

يازرع ..يا حلو يا أخضر

الحاوي..!!

الفين ماشاء الله عليك
الله أكبر.. الله أكبر ..
ارقص يازرع ارقص يلا
الفرحة.. رجعتك يا ماشاء الله
يا أرض..
زي ما انا بادي انت كمان
بتدي..
يا.. أرض هاخذك انا في
حضني..
وطببط عليك زي ما اطبط
على ابني..
أيوه يا أرض .. أيوه كده
كيدي ..يا.. أرض كيدي العدا..!!



الحاوي..!!

رحلة الهجره ..!!

نادى الحبيب .. الحبيب المصطفى نادى..

على الصديق يا صديقي

ورفيقي..

تعالى تعالى فانا اخترتك

في حلي وترحالي

ناداالصاحب على خير حبيب

له نادى..

انت المقرب الي يا صاحبي

فكن كتوما على

الأسرار يارفيقي في الصحبة

حتى يأذن..

الله بالدعوه جهراً

فرح الصديق بكلام طه

الحاوي..!!

ونادى على رسول الله فداك روي

يا حبيبي يا رسول الله

فداك روي

آه.. آه يا رسول الله يا حبيبي

يا بن عبد الله

نادى الحبيب الحبيب نادى

يا صديق يا صديقي فجيريل

قد اختارك لي..

بامر الله تكون في الرحله

رفيقي..

هيا يا صديقي هيا

سنرحل..

من البقعة الطاهرة مكة

سنرحل..

يا صاحبي وحبيبي إلى

الحاوي..!!

المدينه سنرحل
فناد الصديق ناد الله الله
على الصحبة الله
آه .. آه .. على الصاحبين الحبيبين
العظيمين آه...!!
رسول الله وأبي بكر
الصحبه الصحبه الله على
الصحبه..
بأبي انت وامي يارسول الله
الله يا .. طه ..



الحاوي..!!

أنا.. العطشان..!!

آه.. آه.. آه.. أنا العطشان

لحبكم يا آل بيت

النبي..

فاروني أروني يا أحباب

الحبيب النبي

آه.. آه.. أنا - أنا - أنا الولهان

والعطشان..

لحبكم يا بيت المصطفى

الهاشمي اروني اروني

انتم الأحباب الأحباب

والأجمل

في الدنيا وانتم الأطهار

والأخيار..

الحاوي!!

والأبرار يا أحباب الحبيب.. محمد..

زيدوني زيدوني حباً.. آه.. آه حباً

وقربوني اليكم يا آل بيت النبي

فالقرب منكم دواء.. دواء

للقلب..

فداوا القلب القلب المتعطش

لحبكم..

يا أحباب احباب الحبيب

المصطفى..

يا أحباب المصطفى

حبوني حبوني فانا المحب

لكم جميعا يا آل بيت النبي

حبوني واروني اروني فانا

انا العطشان يا آل البيت

الحاوي...!!

النفوس التعبانه..!!

يا نفوس ياتعبانه..
انت اللي تعبانه..
لو كان فيك الخير..
م كانتش الناس تبقى تعبانه
الشر لسه ماليكي
على أقرب الناس ليكي
يا اللي ع الشر دايماً مرميين
وقلوبكم حجارة م فيهاش لين
آه .. آه .. آه .. آه .. آه ..
يا نفوس تعبانه..
انت اللي تعبانه..
القلوب والنفوس مش صافيه
وحب الناس م هواش حب عافيه

الحاوي..!!

آه.. على الغلابه والمساكين..!!

دراعاتكم زادت عليهم عافية

هيروحو فين الغلابة

وهيروحو فين المساكين

يا نفوس.. تعبانه

انت اللي تعبانه

لو كان فيك الخير

م كانتش الناس تبقى تعبانه..!!



الحاوي...!!



افتح يا حسين...!!

افتح يا حسين افتح

بابك..

جولك يا حسين اهم

جولك احبابك..

افتح يابن الكرام والنسب

العالي..

افتح وبلغ للجدك النبي

والنبي سلامي

افتح يا حسين افتح

لينا..

يابن الكريم علي والزهره

الكريمه..

مدد.. يا حسين ..مدد

الحاوي..!!

ياخير من انجب علي

والزهرة الولد

افتح يا حسين افتح

بابك..

جولك يا حسين اهم

جولك احبابك

الله الله الله يا حسين

الله...

ياصاحب الحب والحضرة

نظره..

افتح يا حسين يا عالي

المقام..

فابوك الامام علي على فراش

الحاوي...!!

جـدك النـبي نام..
افتـح يابـن الكـرام افـتح
بابك..
جـولـك يا حـسين اـهم
جـولـك احـبابك
افتـح يا حـسين...!!



الحاوي...!!

الزمن الجميل...!!

زمن جدي وأبويا
فينك يازمن المحبه
فينك..؟؟
من يوم ماسبتنا يازمن
المحبة وسبنا
الكبار..
جانا زمن كله غدر وهجر
وخصام..
جانا زمن كتر فيه الدم
والغل وتكسير
العظام..
فينك يازمن جدي وأبويا
لاجل ما تلم فرقنا
وترجع زي زمان ترجع

تعالى بقى وعمر تاني مطارحنا
بدل الزمان...!!
اللي احنا فيه وتملي ومع ناس
جارحنا...!!

**يازمن جدي وأبويا عود لنا ثاني
من جديد...!!
ياااااا .. يااااااازمن جدي وأبويا...!!**



الحاوي..!!

هتحي لمين ..؟؟

هتحي لمين الحكايه..!؟

كله عارف انك جرحتي

قلوب..

قوايلي هتحي حكايتك

لمين..؟؟

كدايه والكذب

ماليكى..

وبتجرحي وتخدعي أقرب

ماليكى..

مغروره انت والغرور

عاميكى..

هتحي للشجر

للطير اللي بيطيير

الحاوي...!!



فى السما..
ولا للمكان اللي كنتي
بتخدعيني فيه..!؟

ولا للجبل وصدى الصوت
الكذاب...!!
اللي كان ماليه
ماحدش هيسمع ولا هيسمح
انك..

تاني تخدعيه
حتى دمعك هرب خلاص
من عنيكى
لما عرف انك بتخدعي
بيه..

هتلكي لمين..؟؟

لحاي!!

ياللي خلقت الدنيا..!؟

يارب ياللي خلقت الدنيا..!!

في ست أيام..

ما تقفلش باب رحمتك عليه

ناس من الألم والظلم مش

بتنام..

اقبل يارب دعاهم

وخليك يارب معاهم

العطف والحنان والرحمة

منك .. انت..

مش من المخلوق

يارب انت اللى عالم بحالهم

واحوالهم..

دول اللى راح يارب راح منهم

الحاوي...!!

مالهم..؟؟

يارب ياللي خلقت الدنيا في

ست أيام..

ما تقفلش باب رحمتك على

ناس..

من الالم والظلم مش

بتنام...!!



الحاوي...!!

يارب .. العباد..

ياللي بتعلم الأسرار...!

وتعلم الغيب..

وما حد غيرك يارب

يعلمه..

خلقت الكون وبقدرتك

منظمه..

وانزلت في كتابك ميراث

ومقسمه..

ولحكمة في كونك اللي خلقته..

جعلت العقم في كثير من الناس..

وده سر انت يارب العباد

وضعته..

في أولاد آدم وحواء...!!

وانت

وحدك يارب اللي بتعلمه...!!

الحاوي..!!

العلم نور..

يا مكه هاتي الذكريات

وحدثينا..

على اللي فات..

ده الرسول والله ما نزل

متعلم..

ولا تلى كتاب الا بعد

ما تعلم..

وفي الغار نزل الوحي

يعلم..

للسول يقرأ ويعلم

ده المصطفى قرأ بأمر

ربه..

والوحي نزل وقال له

اقرأ..

ده المصطفى وضع للعلم

الحاوي...!!

أساس..

ده العلم بيرفع بيوت مالهاش

اساس..

وفي بدر كام المثل ياناس

وعلم..

ولاد الانصار وفتح ديار

العلم نور..

يا ناس المثل قدامكم

ابنوا..

وعلوا بقى احلامكم

او عاك تقول العلم مالي

بيه..

ده العلم في يوم تلقاه

وتجنبيه..

ويوم الزحام تنتفع

بيه .. والعلم نور...!!

الحاوي...!!

في قلبي شايها...!!

أحب البلد وفي قلبي ياجدع شايها...!!

وتبكي عيني بالدمع ع اللي

شافها.. بتتوجع من الالم وما شالها

ويزغرد قلبي..

ويرفرف زي الطير اللي بيرفرف في السماء..

على الولد الجدع اللي شافها

بتتوجع..

سعى في الخير و مشالها

واحب بنت البلد بنت الأصول

اللي رامية على الكتفين وراسها

شالها..

فرح بيها القلب ومن كتر الفرح

شالها...!!

الحاوي...!!

قطر الغلابه ...!!

قطر الغلابه انقلب...!!

وعلى الغلابة داس .

مين السبب اللي خلى الثاني..؟؟

عدى وداس..

دم الغلابة على السكك

سال سلسال..

لما القطر انقلب وكانه

يابوي زلزال..

تحت العجل الام بتصرخ

على أولادها..

بين الحديد ما خيفاش

الحاوي..!!

من الموت..

بس الخوف حرق قلبها

على أولادها..

قطر الغلابة انقلب وعلى

وعلى الغلابه

داس..

مين السبب اللي خلى الثاني

عدى وداس..؟؟



الحاوي..!!

مالك يا سنين ..؟؟

ياسنين مالك علينا
بتسرسبي..
وجايه سايقه علينا ليه
وبتكركي..
سبيننا ياسنين نمشي
مع المراكب..
اللي سايره مع الهوا
وما تقفلش علينا
ياسنين..
وسيبينا نمشي مع المراكب السايره
لحسن..
نغرق في بحر الالم
وتتطفي مننا
الشموع..!!

الحاوي..!!

صبرنا.. يارب..

وصبرنا كثير كثير على

ناس..

كنا فاكرينهم حبايب

طلعوا..

خاينين وكدابين مهماش

حبايب..

كنا فاكرين الحب عنديهم

ثمنه غالي..

طلعتوا رخاص ورخصوا

الغالي عنديهم

واديكم..

هديتوا العاليي لينا

واخنا اللي ياما ليكم

الحاوي..!!

بنينا..

الله لا يسامكم لا دنيا

ولا آخره..

ياللي افتريتوا بالكذب

علينا..

واحنا عمرنا عليكم

ما افترينا..

حقنا هانخدوا منكم في

الآخرة..

عند اللي خلق الدنيا

والآخرة..

رب العباد عالم بالناس

وضمايرها..

وادي اللي ربنا كرمه وعمل

مع الناس الصالح

الحاوي..!!

عند الموت بتهل

بشايرها..

واللي ظلم الناس رب العباد

بيبعته انذار في

الدنيا..

وبيقول له.. أدي بشايرها

وتوب واعمل مع الناس

الصالح..

قبل ما تشوف كثير من

بشايرها..!!



الحاوي...!!

حمار المرايا...!!

شاف الحمار صورته

في المرايا..

عجبته صورته وقال لنفسه..

انت حمار حكاية

رغم انه هو الحمار

اللي في المرايا..

كان عامل نفسه هيبقى

غزال في المرايا..

لكن هو حمار مش عارف انها مرايا..!؟

مش بتفرق بين القرد

والحمار والغزال..

في حاجه

ما تفهم بقى يا حمار دي مرايا...!!

الحاوي..!!

طالعين..!؟

طالعين ومش راجعين غير

بالنصر لبلادي..

معانا رب الكون حافظ

ومعين لنا ولبلادي

يامصر متخافيش ولادك

سدادين..

قادرين يتحدوا الصعاب

لاجل حبك ياغالية هيتحدوا

المستحيل..

دا اللي يتعدى عليكي

نخليها عليه كوم تراب

احنا ولادك يابلي

واحنا لك الاحبه واحنا لك

الصحاب..

الحاوي!!

هنعرفهم هما مين يا بلدي..؟

واحنا نبقي مين..؟؟

وهندق باب النصر

واللي..

يفكر يدوس عليكي

هنعصره عصر..

وهنخلي الكل يهتف باسمك

ويقولوا تحيا مصر..

احنا اصحابها هنحمي حدودها

وكل ترابها..

عشتي يا حره مليون

مره..!!

وعاشت كل كل

احرارك..

منصوره انت بامر الله ...

الحاوي...!!

دنيا غروره وناس فيها...!!

ملتها البلايا
شقلبت حال الناس حتى
في المرايا...!!



ميزان العقل...!!

منصوب ..
بس ميزان عقلنا
هو اللي خف ولساه
بنحذف بعضنا
بالطوب...!!



الحاوي..!!

الحاوي ..!!

يا عم ياللي اسمك في البلاد

حاوي..

تعالى في البلد وشوفك حل..!؟

لو كنت صحيح حاوي

مع العقارب والثعابين اللي

بتلدغ وتبخ سمها

في ناس وتفرقها في

المجالس بحكاوي

تعب لسان معاهم في

الحكاوي..

يا عم يا حاوي لو تقدر تحوي

كل الناس منهم

احويها..

و لو مقدرتش تحوي يا عم يا حاوي..

الحاوي...!!

اعمل للعقارب والشعابين

رقيه وحجاب..

تكن في جحورها وادعي

معايا ربنا يهديها ياعم

يا حاوي..

وعجبي...!!!

